

摘藻堂四庫全書薈要

集部

欽定四庫全書薈要卷一萬八千三百十七

其部

御選宋詩卷十

五言古詩一

田錫

擬古

崇谿出精金百鍊無餘滓鑄得芙蓉劍靈輝若秋水陸
可斷兕犀陰亦驚神鬼照物雙影寒中霄靈氣紫有時
風雨至欲作龍蛇起海酒與陵肉寶燭延奇士歡飲取

傳觀英圖各相視吐氣成虹蜺將平不平事大笑荆軻
輩卒如兒女子

中山魏公子志意邈難儔朝吸沆瀣精遠與冥鴻遊風
高江浪惡雲黃海樹秋青山對獨酌明月在孤舟心常
懸象魏迹若參公侯縱橫致君術思一伸良籌

遊子中夜心功名忽嗟暮黑貂空上書甘泉方獻賦白
日驚壯齒青雲有英顧收采苟不時珊瑚亦生蠹

玉樹香不滅柳帶柔堪結惠然貞婦心皎若天上雪羅

幕生春風珠簾鑒秋月滄波燕又歸尺書胡斷絕
萱花不須折安足忘君憂青銅莫頻覽適令驚鬢秋謝
安壯未仕定遠晚封侯功名俱磊落時來豈自由

楚畹種芳蘭發生逢早春萌芽初戢戢枝葉俄芊芊幽
叢秋既老芳氣冬彌薰馨香當還風罨靄來襲人百草
莫相妒從之為爾鄰深林莫益藏芬然亦自伸

贈朱道士

憶昔長安道與君初相識密雲滿天來不見南山色美

酒斗十千一醉情歡然
胸中雲夢澤眼底高陽客
狂呼月華人撫弄雲和瑟
揮鞭過渭川館第相留連
朝簾杏花露暮樓楊柳煙
流輝今六稔交情益相審
忽忽披君文如截機頭錦
余本生天涯散金常破家
東方上書志高欲凌丹霞
安能常刺促雀啄秋田粟
海路與天遙鸞皇好相逐

韓丕

寄岳陽劉從事

秋來憶故人
寓目臨大野
遠近聞清商
依稀奏幽雅
經霜樹半紅
無風葉自下
一片洞庭心
聊憑塞鴻寫

寇準

秋興呈裴李二同年

歲晚亂山外
野望誰能同
寒沙明夕照
敗葉驚西風
孤煙暝汀樹
霜氣高秋空
徘徊念前事
旅恨良難窮

庚辰歲將命至巴東時已秋序霜荷索然偶賦
是章用遣幽恨

乘軺偶將命撫俗煙江湄地僻接窮峽務簡稀公期秋
信任無趣野懷良自宜月白夜蟬響池暗風荷哀溪雲
入破牖山菊開踈籬貰酒不能醉鄉國空結悲徘徊遠
凝望目極長天涯

雪霽池上

霽雪池上亭晴光扇泉石煖覺岸冰消靜聞簷溜滴務
簡身暫閒景幽心自適極目望南山圭峰露微碧

水閣晨起

板閣常晏眠，偶獨起清旦。
月落簷鳥語，煙開客船散。
長江色自澄，汀樹聲空亂。
羣動又復然，勞勞可長歎。

張詠

蕭蘭

移蕭芳蘭中，蕭生蘭亦悴。
他日秋風來，蕭蘭一齊敗。
自古賢者心，所憂在民泰。
不復夢周公，中夜獨慷慨。

送張及三人赴舉

才雄揚子雲，古稱蜀川秀。
千載遺英聲，三賢繼其後。
文

章積學成孝友亦天授遠郡得充庭期將免固陋

王禹偁

送朱九齡

吏隱不求貴親老不擇祿之子有俊才弱冠中正鵠弗
墜先人業何慚有道穀一命佐碭山枳棘聊容足再命
佐永嘉絲桐幾易俗率身甘菜茹養母求梁肉承顏苟
不虧折腰未為辱解印無餘貲舟中只琴筑十口寄淮
泗一身來輦轂又說東南行秋風江水淥鄱陽古名郡

赤金流山谷每歲鼓錢刀從來設官局還得便高堂無
辭縻逸躡颺帆江湖思木落天地肅楓葉紫爛萼花
紅粲款津吏曉來迎溪僧夜留宿至止事方簡優游從
所欲江城豐稻梁水市多魚蕪三載奉甘飴百錢飽家
族自有綵衣華勿歎藍袍綠行年未三十氣壯顏如玉
行義日以聞焉能長碌碌終列侍臣班耀我同年錄且
賦白華詩唱作離筵曲

庶子泉

物趣固天造物景不自勝泉乎未遇人石罅徒流迸宮
相政多暇行樂躡巖巖磴發蒙漲為溪幽致茲焉盛唐賢
大歷後峭壁刻名姓我来一何暮今秋始乘興山勢環
有缺山門壺引柄乍挹清泚香頗愜幽閒性味將春茗
宜光與曉嵐暝架竹落僧廚遠聲入清磬何當宿禪室
欹枕終夜聽飲多病骨換照久塵襟迴銷盡謫居愁無
心治歸艇

白龍泉

岸石何鑿鑿，渤涌山脚含虛光。可鑑倒影壁如削，瀾漫到前溪支脈通。遠壑白龍乃神物，胡此戀一勺。勢能為霖雨，力可興雷電。上天未有命，茲焉縮頭角。應防困螻蟻，泥蟠詎敢躍。菹醢曾是憂，豢養殊非樂。亦如君子道，出處竒先覺。吾生苦遷謫，未免郡政縛。偶來泉畔坐，感興題秋籜。抖擻纓上塵，成就清連濯。聊將一掬水洗我面，慙怍日暮不忍歸。風埃滿城郭。

望日臺

荒臺隱層碧雲磴踰百尺攀蘿試一登依然有遺跡掌
舒舊砌平屏卓諸峰直憑高聊寫望孤懷念鄉國長安
不可見但對金烏赤傾盡葵藿心庶免浮雲隔

北樓感事

并序

唐朱崖李太尉衛公為滁州刺史作懷嵩樓取懷
歸嵩洛之意也衛公自為之記其中述直翰林時
同僚存沒且有白雞黃犬之歎頗露知退之心及
自滁徵拜再秉鈞軸卒以怙權賈禍貶死海外則

向之立言誠空文爾皇宋至道元年夏五月僕自翰林學士尚書禮部員外郎知制誥除工部郎中知滁州軍州事到郡之日訪衛公舊迹樓之與記皆莫知也而郡有北樓通刺史公署登眺終日甚亦自得作北樓感事詩以見意

北樓出林杪登覽開病姿旁帶滁州城雉堞何逶迤下

入刺史宅却臨通軍池

孟統軍作小池在樓下

伊余翰林客失職

方在茲兩衙簿領外盡日吟望時晚窗度急雨夏木交

繁枝淮南氣候殊經秋轉黃鸝簷前有山果採掇亦甘
滋樽中有官醞傾酌任醇醑忘機得真趣懷古生遠思
念昔李太尉落落邦家基下筆到西漢料兵如六奇謫
官來此郡鬱鬱持一麾嘗在懷嵩樓記文悲盛衰甚得
進退理深明禍福機未幾再入用斯言忽如遺君恩匪
膠柱天殃若影隨六月萬里行炎荒竟不歸功成又名
遂不退將安之姑以人事較勿憑天命推矧予草澤士
被禍復羹藜謬因弄文翰八載侍丹墀三入承明廬古

人期並馳玉堂百日罷所累非文辭強仕未為老望郎
不為卑淮邊永陽郡人物自熙熙費用量所入豐約從
其宜一妻本糟糠不識金翠施三男無庶孽詎愛紉綺
質甘貧絕誅求易退無羈縻五十擬歸耕何必懸車期
且予望衛公雲龍與山麋唐賢昔際遇文雅道光輝進
士取將相易於俯拾棊自從五代來素風已陵遲干戈
為政事茅土輸健兒儒冠筮仕者僅免寒與饑至今明
聖代此風猶未移自無經濟術焉能碌碌為歸與復歸

與無忘北樓詩

甘菊冷淘

經年厭梁肉頗覺道氣渾
孟春致齋戒勅厨惟素飧
淮南地甚煖甘菊生籬根
長芽觸土膏小葉弄晴暎
采采忽盈把洗去朝露痕
俸麪新且細漉牢如玉
墩隨刀落銀鏤煮投寒泉
盃雜此青青色芳香敵蘭蓀
一舉無子遺空媿越盃存
解衣露其腹稚子為我捫
飽慚廣文鄭饑謝魯山元

廣文先生飯不足元魯山饑而死

况我草澤士藜藿供朝

昏謬因事筆硯名通金馬門官供政事食久直紫薇垣

知制誥給政事食自小許公始

誰言謫滁上吾族飽且溫既無甘旨慶

焉用品味煩子美重槐葉直欲獻至尊

事見杜工部槐葉冷淘詩起

予有遺韻甫也可與言

揚州池亭即事

冥心閱羣動亦各趨所安胡為名利人戚戚常鮮歡吾
生四十四結佩呼郡官掌言入綸閣待詔直金鑿匪謂
得祿少所嗟行道難前年謫滁州憂時雙鬢殘賴有瑯

邪溪時濯塵纓冠朝命徙淮海任重力易殫君恩詎可
報感激涕洟瀾民瘼不能治惻隱情悲酸况復多病身
名宦心已闌歸田未果決懷祿尚盤桓公退何所適池
亭一凭欄旭日媚春弄微風生鳴湍呵童勿挾彈留客
不持竿用冀魚鳥馴熙熙肆游觀神仙未可學吏隱聊
自寬孤吟刻幽石此義非考槃

月波樓詠懷

有序

月波之名不知得於誰氏圖經故老皆無聞焉因

作古詩一首凡六百八十字陷於樓壁庶使茲樓
之名得與詩俱不泯也

郡城無大小雉堞皆有樓其間有名者不過十數州吹
簫事遼迴仙迹難尋求庾公在九江締構何風流謝守
鎮宣城疊嶂名有由東陽啟八詠吾聞沈隱侯白雪架
郢中調高誰和酬黃鶴依鄂渚仙去事悠悠贊皇謫滁
上作賦懷嵩丘樓居出俗態澤國多勝游好景不遇人
安得名存留齊安古郡廢移此清江頭築城隨山勢屈

曲伏環周茲樓最軒豁曠望西北陬武昌地如掌天末
入雙眸平遠無林木一望同離婁山形如八字會合勢

相勾

東晉方士戴洋言武昌有山無林山形八字勢不
及九故孫權以黃武元年都武昌八年遷建業

三國事既遠六朝名亦休近從唐未來爭奪互仇斯
樓備矢石此地控咽喉終朝望烽燧連歲事戈矛可憐
好詩景牢落無人收皇家統萬國遠邇盡懷柔三聖四
十年蕩蕩文德修淮甸為內地黃岡為上游儒冠假郡
印踐更若公郵况多辦職吏誰肯恣吟謳伊余何為者

竊慕騷人儔兩朝掌文翰十年侍冕旒去歲出西掖謫
居抱窮愁日日江樓上風物得冥搜何人名月波此義
頗為優西南新桂魄初上懸玉鈎晚瀨清且淺漂蕩影
沈浮三五金波滿夜光如暗投驪龍弄含珠晃朗照汀
洲澹臺被寶劍碎璧斬長虬水輪曉入地推下赤金毬
闌干四五星斜漢印清秋誰家上元燈兜盛刻瓠蘆此
景吟不出謾使聲啾啾千里畫圖闊四時詩興幽野花
媚宮纈芳草鋪碧紉火雲照沙浦暴雨傾瓦溝白亂蘆

花散紅殷蓼穗稠
簷冰垂若練雪片大于鷗
江籬煙漠漠官柳雨颼颼
舟子斜蕩槳牧童倒騎牛
水獺有時戲江豚頗能泅
山鳥奏竽籟落霞展衾裯
魚網雪離離酒旗風颼颼
旅懷雖自適詩物奈相尤
右顧徐邈洞精靈如在不
左瞰伍員廟荒隙令人羞
樓中何所有官醞湛蚍蜉
蟬棊枰留客坐琴調待僧
抽橘包鄰藥鼎墨筆間茶
甌平生性幽獨寂寞誰獻
酬官常已三黜懷抱罹百
憂凭闌憶王粲望闕同子
牟自甘成潦倒無復事聲
猷身世

喻泡幻衣冠如贅瘤
放意無何鄉誰分親與讎
寓形朝籍中毀譽任啁啾
君恩無路報民瘼無術瘳
惟慚戀祿俸未去耕田疇
題詩郡樓上含毫思夷猶
功名非范蠡何必泛扁舟

种放

夏日山居

陰陰林木靜寂寂
無人境紅綻紫葳香嵐沈玉膏
冷看雲時獨坐慎事常
中省何客御風來新篁動疎影

林逋

監郡太博惠酒及詩

塵事久謝絕園廬方晏陰鏗然郢中唱伸玩清人心况
復對樽酒百慮安能侵何以比交情松桂寒蕭森

送牛秀才之山陽省兄

之子詠陟岡別我歲時晏後夜失羣鶴高天着行鴈楚
山遠近出江樹青紅間尊酒無足辭離愁滿行盼

和運使陳學士遊靈隱寺寓懷

山壑氣相合旦暮生秋陰松門韻虛籟錚若鳴瑤琴舉
目羣狀動傾耳百慮沉按部既優游時此振衣襟泓澄
冷泉色寫我清曠心飄颻白猿聲答我雅正吟經臺復
丹井捫蘿常遍臨鶴蓋青霞映玉趾蒼苔侵溫顏煦槁
木真性馴幽禽所以仁惠政及物一一深灑翰璘珣壁
返駕梅檀林回眺罕堵峰天半千萬尋

黃亢

臨水

人生朝復暮水波流不駐去年此日水今日到何處惆
悵雨殘花嫣紅隨水去花落水東流識盡人生事

宋庠

歲晏出沐感事內訟

山海有完士希世無良籌偶穿東郭履遂別野人舟不
恥篆刻賦來肩英俊遊私智甚鳧短塵容若鷓愁備員
太史氏補屬富人侯姑學了官事何嘗分主憂日貪斗
食利歲感星躔周中都富才彥方駕若龍虬茂先善史

漢平津治春秋高文用司馬格五寵吾丘間閣路逢葛
續紛人召鄒桑羊興賈豎安國出縲囚汲鄭貴交盛徐
陳英藻道况乃天下樞雄雌來九州衣冠徑複道鼓吹
出長楸席上萬錢箸橋邊八列騶雍容紱魯玦意氣拂
吳鈎咨余良不避瓠甕廁琳璆吹竽昔已濫在梁今可
尤臺閣魏舒被風霜蘇季裘有志謝軒鶴無機防海鷗
恭俟杜陵課誅茅歸故疇

宋祁

九日藥市作

陽九協嘉辰期入始多暇五藥會廣廛遊肩鬧相駕靈
品羅賈區仙芬冒闥舍擷露來山阿劓煙去巖罅係道
雜提攜盈襜更薦藉乘時物無賤投乏利能射癰零互
作主復齊交相假曹植謹贖令韓康無二價西南歲多
癘卑濕連春夏佳劑止刀圭千金厚相謝刺史主求瘼
萬室繫吾化顧賴惡石功捫襟重慚喏

衆熙亭曉矚

長夏宜高明，緩帶散煩寤。憑軒一超然，目與天俱盡。山
從雲端見，日就林外隱。風來草樹披，煙生井閭近。自公
况多暇，冲臆無留蘊。即此可宴居，何須事遊軫。

杜行

幽居即事

寂寂復寂寂，告老閒居日。徑草高于人，林鳥熟于客。黃
卷不釋手，清風常滿室。內顧平生心，無過此時適。

晏殊

和王校勘中夏東園

東園何所樂所樂非塵事野竹亂無行幽花晚多思閒
窺魚尾赤暗辨蜂腰細樹影密遮林藤梢狂冒袂潘蔬
足登膳陶林徑取醉幸獲我汝交都忘今昔世歡言捧
瑤佩願以疏麻繼

韓琦

啄木

剥剥復卜卜意若念良木營營求蠹心未獲空我腹或

露一襠紅或展雙翅綠捷緣都盧種響弄羯鼓曲搜索
不知疲利背信摧秃忽爾破姦穴種類無遺族內孽固
難辨一發知潛伏彼實害珍材盡殄此非酷直疑天意
深不使嗜梁肉專為衆蠹仇待飫弗知足如今知庶味
恣擇蟲與粟杞梓任陰賊長啄罷攻觸飽食作羣飛時
下泉沼浴歸鳴涼樹陰暮趣高枝宿

答袁陟節推遊禪智寺

春去惜餘景偶來郊外觀蕪城千古恨一顧殊悲酸荒

祠枕大道尚記吳城邦遠近綠陰合水觀紅英殘隴麥
齊若剪隨風捲波瀾罷農喜有望守臣心麤寬蕭疎禪
智寺壞址不甚完叢花亂芍藥籬竹推琅玕空有亭亭
栢成行如筆端供帳具朝膳僚寀成清歡小杜詩板暗
樂事曾未刊乘興詣茶圃百步登平巒摘焙試烹啜甘
挹零露溥午過倦微暑堤路騰歸鞍天子憂歲旱引咎
古所難列郡承新詔朝夕弗敢安况此行春意問不在
遊盤朝廷責吏治莫若久其官政和氣亦應災沴無由

千願循三載，舊庶幾酬素餐。

衆春園

中山雄北邊，地得要害扼。烽警昔未徹，民日困兵革。一
從無事來，歷祀且半百。戈矛既錢鏹，比屋遂仁宅。人生
亦自勞，營業鮮暇隙。誠哉百日勤，固願一日適。為政本
人情，三代所不易。漢史稱循良，在宣布恩澤。茲吾治廢
園，大揭衆春額。庶乎時節遊，使見太平迹。園中何所有，
風物雅具籍。方塘百畝餘，遙派逗寒碧。虛亭跨彩橋，孤

嶼聳幽石環堤柳萬株無時張翠帟移得江南天不覺
萬里隔芳林灼灼花次第錦繡坼三春爛熳時為民開
宴席觀者如堵墻士女雜城陌野態得天真靚粧非俗
格惟意任所如去來何絡繹多歡如有今勝致駭非昔
如登老氏臺懷抱罔不釋既以休吾民又足奉嘉客清
暑暨涼秋池景尤可惜紅蕖四照香風送入絺綌乘興
命輕舟縱賞緩撐刺芳餌須鱸資蓮房欣手摘就飲圓
荷中一當數大白時見羣鷗飛驚比紅袖拍獻酬如未

快申令喜相搦或見大敵怯便可遺巾幘酣戰方氣振
俄景忽晡夕人笑山公歸酩酊倒巾幘誰知酩酊心自
有制勝策

遊開化寺

開化得地勝崇侈何代作全山鏡佛身萬木互高閣窅
然數百尺較力陋禹鑿峰巒翠環合與寺為郭郭煙霞
無四時為我張帷幙飛泉乘空來直在庭砌落松柏森
成行鬪伏蛟龍惡如整萬人陣偏伍不敢錯春芳難悉

名紅紫競灼灼點綴巖壁間
圖畫曾未若距城纔一舍
曠絕類霄堦噫吾何自勞
日窘吏事縛到官踰二期
未克造林壑引疾得鄉邦
晝錦行遂著猛拋公几煩
不負真境約精廬始一登
百慮已澄擴徘徊延賓僚
開席盛燕酌歌留嶺上雲
吹亂風前鐸勿譏清賞累
粗繼東山樂數刻方暫歡
俄景忽西薄歸鞅下危岑
眷戀心欲却何處無林泉
隔闕牽寵爵終期報國家
功業効涓勺連露乞骸章
不待七十削歸來解朝紳
放意任衡霍超然

出世紛安步適冲漠山蔬充盤筵邛釀滿瓢杓吾壽此
其全何必不死藥

畫錦堂

古人之富貴歸于本郡縣譬若衣錦遊白晝自光絢不
則如夜行雖麗何由見事累載方冊今復著俚諺或紆
太守章或擁使者傳歌樵忘故窮滌器掩前賤所得快
恩仇愛惡任驕狷其志止于此士固不足羨茲予來舊
邦意弗在矜街以疾而量力懼莫稱方面抗表納金節

假手翼鄉便帝曰其汝俞建燾徃臨殿行路不云非觀
歎溢郊甸病軀諧少休先隴遂完繕歲時存父老伏臘
潔親薦恩榮孰與偕哀劣愧獨擅公餘新此堂夫豈事
飲燕亦非張美名輕薄詫紳弁重祿許安閒顧已常兢
戰庶一視題榜則念報主眷汝報何能為進道確無倦
忠義聳大節匪石烏可轉雖前有鼎鑊死耳誓不變丹
誠難悉陳感泣對筆硯

范仲淹

寄題孫氏碧鮮亭

天地何風流復生王子猷黃金買碧鮮綠玉排清秋非
木亦非草東君歲寒寶耿耿金石性雪霜不能老清風
乃故人徘徊過此君泠泠鈞天音千載猶得聞應是聖
賢魄鍾為此標格高節見直青靈心隱虛白粉筠多體
貌錦籜見兒童上交松桂枝下結蘭蕙叢秀氣鶻晴嵐
翠光凝淥水明月白露中靜如隱君子不願湘靈泣不
求伶倫吹鳳凰得未晚蛟龍起何時蕭蕭雲水間良與

主人宜紅塵滿浮世何當拂衣袂坐嘯此亭中行歌此
亭際逍遙復逍遙不知千萬歲

古鑑

磨此千年鑑朱顏清可覽君看日月光無求照人膽

贈碁者

何處逢神仙傳此碁上旨靜持生殺權密照安危理接
勝如雲舒禦敵如山止突圍秦師震諸侯皆披靡入險
漢將危竒兵翻背水勢應不可隳關河常表裏南軒春

日長國手相得喜泰山不礙目疾雷不經耳一子貴千金一路重千里精思入于神變化胡能擬成敗繫之人吾當著棊史

歲寒堂三題

錄一首

君子樹

二松何年植清風未嘗息夭矯向庭戶雙龍思霹靂豈無桃李姿賤彼非正色豈無蘭菊芳貴此有清德萬木怨搖落獨如春山碧迺知天地威亦向歲寒惜有聲若

江湖有心若金璧雅為君子材對之有前席或當應自然化為補天石

和人遊嵩山十二題

錄六首

公路澗

曹公與袁術
常爭據此地

嵩高發靈源北望洛陽注清流引河漢白氣橫雲霧英雄惜此地百萬曾相距近代無戰爭常人自來去

拜馬澗

子晉登仙遺馬於
此鄉人見之皆拜

傳聞王子仙澗邊遺逸驥當時青雲路雞犬亦可致未

必真龍媒悠悠在平地

自峻極中院步登太室中峰

白雲隨人來翩翩疾如馬
洪崖與浮丘襟袂安足把
不來峻極游何能小天下

玉女擣衣石

但見巖前砧誰聞月下杵
金文與鐵色璨璨知千古
試問擣衣仙何如補天女

三醉石

巍巍八仙壇上有三醉石
憐此高陽徒如樂華胥
域憔悴澤邊人獨醒良可惜

峻極上寺

徘徊峻極寺清意滿煙霞
好風從天來吹落桂樹花
高人物外猶屬梵王家

和僧長吉湖居五題

錄三首

湖山

湖山滿清氣賞心甲吳越
晴嵐起片雲晚水連初月
漁

父得意歸歌詩等閒發

風笛

風引湖邊笛馬知非隱淪一聲裂雲去明月生精神無
為落梅調留寄隴頭人

渚蓮

武陵誰家子波面雙雙淚空積心中絲未成機上素似
共織女期秋宵若霜露

天平山白雲泉

靈泉在天半狂波不能侵神蛟穴其中渴虎不敢臨
照寒秋碧泓然一勺深游潤騰雲飛散作三日霖天造
豈無意神化安可尋挹之如醍醐盡得清涼心聞之異
絲竹不含哀樂音月好羣籟息涓涓度前林子晉罷雲
笙伯牙收玉琴徘徊不擬去復發滄浪吟乃云堯湯歲
盈盈長若今萬里江海源千秋松桂陰茲焉如有價北
斗量黃金

祠風師酬提刑趙學士見貽

先王制禮經祠為國大事孟春祭風師刺史敢有二齋
戒升于壇拜手首至地所祈動以時生物得咸遂勿鼓
江海濤害我舟楫利旱天六七月會有雷雨至慎無吹
散去坐使百穀悴高秋三五夕明月生天際乃可驅雲
煙以喜萬人意願君入薰絃上副我皇志阜財復解愠
即為天下賜八使重古禮作詩歌祭義誠欲通神明非
徒獎州吏賢哉推此心良以警有位

依韻答提刑張太博嘗新醞

南陽本佳處偶得作守臣地與汝墳近古來風化純當
官一無術易易復循循長使下情達窮民奚不伸此外
更何事優游款嘉賓時得一笑會恨無千日醇客有多
聞者密法為我陳自言此靈物盡心妙始臻非徒水泉
潔大要麴蘖均暄涼體四時日月周數旬其氣芳以烈
厥味和而辛涓涓滴小槽清光能照人固可奉宗廟宜
能格天神我姑酌金罍駐此席上珍况有百花洲水木
長時新煙姿藏碧塢柳杪見朱闌兩兩鳧雁侶依依江

海濱晚光倒晚影一川無一塵悠悠乘畫舸坦坦解朝
紳綠陰承作蓋芳草就為茵引此杯中物獻酬交錯頻
禮俗重三爵今乃不記巡大言出物表本性還天真或
落孟嘉帽或拋陶令巾吾非葛天民誰為劉伯倫八使
達觀者與予日相親作詩美嘉會調高繼無因但願天
下樂一若樽前身長戴堯舜主盡作羲皇民耕田與鑿
井熙熙千萬春

富弼

留府太尉相公就居為耆年之會承命賦詩以時

守司徒致仕

年七十九

西洛古帝都衣冠走集地豈惟名利場驟為耆德會大
尹吾舊相曠懷輕富貴日與退老游臺閣并省寺予慙
最衰老亦許預其次遂欲肖儀容爛然形繪事閩嶠訪
精華鮫綃布絕藝令復崇晏衍聊以示慈惠幽居近銅
駝荒敞仍湫庠塞路遺君庖盈車載春醴獻酬互相趣
歡處不知止商嶺有四翁晉陵惟七子較我集諸賢盛

哀何遠爾茲事實可矜傳之足千祀

文彥博

寄致政太傅侍中曾魯公

并序

近以王屋山所產靈壽杖為獻伏蒙尊恕不責輕
免仍貺雅章并惠古鑑吟繹捧玩不能釋手輒成
拙詩一首以答來貺

天壇小有洞神仙稱福地草木盡翹秀靈壽特珍異
孑立無附枝挺生出羣類既不假矯揉復不煩削治制

杖待時用訓鳩循古義獻于君子堂達此野人意所獻
雖已微其意亦有謂願公稍扶持與國同安置匪惟布
私誠茲乃出公議豈圖一羽輕復委千鈞賜報之以寶
鑑百練精明致副之以雅章二南風格備節屋天光照
陋軀華衰賁何以稱尊貺傳家為重器何以繼希聲陳
詩言鄙志

題史館兵部傅君草堂

羨君濟上墅勝槩不可名泉石與松竹聲影交相清周

牆數百堵版築皆親營箕尾出南極直對茅軒明陶廬
自愛樂蔣徑堪逢迎但恐赤松子到此難忘情捨却留
侯伴從吾林下行

田况

成都遨樂詩

錄四首

元旦登安福寺塔

歲歷起新元錦里春意早詰旦會朋宋羣遊僕騶導像
塔倚中霄翬檐結重椽隨俗縱危步超然薄清昊千里

如指掌萬象可窮討野濶山勢迴寒餘林色老遨賞空
閭巷竭來喧稚耄人物事都閒車馬擁行道顧茲懽娛
俗良慰羈遠抱第憂民政疎無庸答宸造

上元燈夕

予嘗觀四方無不樂嬉遊惟茲全蜀區民物繁他州春
宵寶燈燃錦里香煙浮連城悉奔驚千里窮邊陬粉裊
合繡袂輾轆馳香輶人聲震雷遠火樹華星稠鼓吹匝
地喧月色斜漢流懽多無永漏坐久凭高樓民心感上

恩釋頌歌神猷齊音祝東北帝壽長嵩丘

八日大慈寺蠶市

蜀雖云樂土民勤過四方寸壤不容隙僅能供歲糧間
或容墮孳曷能備凶痒所以農桑具市易時相望野氓
集廣鄠衆賈趨寶坊敦本誠急務戒期靡愆常茲會良
足喜後賢無忽忘

三月三日登學射山

麗日照芳春良辰重元巳陽濱修祓除華林程射技所

尚或不同從俗亦足喜門外盛車徒山半列鄴市彩堦
飛鏞遠醉席歌聲起回頭望城郭煙靄相表裡秀色滿
郊原遙影落川渌目倦意猶遠思餘情未已登高貴能
賦感物暢幽旨宜哉賢大夫由斯見材美

王琪

秋日白鷺亭向夕風晦有作

白鷺敞西軒檐宇窮爽塏千峰若聯環翠色不可解是
時天宇曠六幕無纖靄金斗熨秋江素練橫衣帶乾坤

清且斂氣象朝昏改蘆花作雪風飛舞來滄海九霄汀
鷺起萬里檣烏快月上三山頭鳥沒橫塘外蒼茫洲渚
寒錯落星斗大開樽屏絲竹披襟向簫籟余生本江湖
偃蹇欣所會清興雖自發苦嗜亦吾累魚龍憑夜濤四
面忽滂湃安得犀燈然煌煌發水怪

余靖

山寺獨宿

柴車走縣封窮途秋耿耿急雨帶溪聲殘燈背窗影驅

馳下士身淒涼旅人景山寒夢不成愁多知夜永

趙抃

寄酬蔡州王陶正言

自顧愚無堪老大何所用得郡江湖來一意雲泉縱驚
此西南身連夕東北夢乃知故人念許與明月共荆書
一紙賢季諾千金重寄我瓊瑤篇使得長諷詠寒松有
唳鶴高梧有鳴鳳何日謝知音為鼓商弦弄

張方平

新定道中寄桐廬關太守

旦下烏石灘暮泊嚴陵瀨潺湲卧溪聲慘淡宿山靄所
歷已陳迹不忘惟嘉話淚濕青雲篇撫襟慙慷慨關有詩相

送青雲關
送行處也

帆挂桐君山槽入富春渚寒風蕩江波煙雨迷汀樹煮

茶論藥經挑燈數碁路全勝謝惠連獨望新安去同行者蜀

僧吉善醫茂材龔君美好奕
謝守赴新安過富春渚有詩

初赴新定過錢塘江

颺帆上漁浦隨潮宿鴈灣
煙火指富陽雲樹連蕭山
曲岼蓼花疎清波鷗鳥閒
江外信清曠吾心睢洛間

酬歐陽舍人寄題醉翁亭詩

我本高陽徒野性益疎拙
豈堪天子傍命令裁機密
一麾出承明猿鳥遂超逸
山州寂無事氣象頗蕭瑟
閒尋琅邪溪雲嵐可披拂
中路聞潺湲幽亭對嶠嶭
鏘咽觸環珮清泠泛琴瑟
知君多醉此歸鞍屢窅兀
醉中遺形骸題名亦信筆
遺我溪風清蒼顏坐髣髴
暝色失松竹

徘徊望寒月攜酒頻來游行待山花發

崑山初秋觀稼回縣署與同寮及示姑蘇幕府

邑民三萬家四邊湖海遠家家勤穡事市井商游少
存歲逢水沴饑勞何擾擾我來忝撫字見此心如擣去秋
僅有年膏田尚停潦今幸風雨調皆話天時好春喜鵲

巢低夏畏蟬聲早

吳民以此候
早潦饑穰焉

秧船拏參差對岸縈迴

繚菝揜暮更急車響轉清曉紡筥猶挂壁何暇張魚鳥
我時行近郊小艇穿萍藻渚長葭亂深野沃穰稬倒孺

子遠餉歸閒暇顏色飽預喜省敲笞租賦可時了歸來
軒館靜曠蕩盈懷抱衙退人吏散庭廡聞窈窈露篠映
孤亭風荷動幽沼置身木雁間茲焉願終老顛蹶走榮
利况余拙非巧鱸膾飯紫茫鵝脂酒清醪紫茫鵝脂稻名悵然
懷友生虛齋為誰掃

石介

赴任嘉州嘉陵江泛舟

中心橫大江兩面疊青嶂江山相夾間何人事吟放半

罇岸幘坐永日開
聆望孤棹已夷猶
數峰更清尚危影
倒波底凝嵐浮水
上鳴鷺答猿啼樵
夫應漁唱併生泉
石心堪媿庸俗狀

蜀道自勉

潮陽瘴煙黑去京路
八千吏部有大功
得罪斥守藩朝衝
江霧行夜枕江濤
眠蛟蜃作怪變時
時攀船舷魚龍吐
火燄往往出波間
故為相恐怖倏忽
千萬端道在安可
劫處之自晏然我
乏尺寸效月食二
萬錢自請西南來
此行非

竄遷蜀山險可升蜀路高可緣上無嵐氣蒸下無波濤翻
步覺閣道穩身履劍門安惟懷吏部節不知蜀道難

張先

巢鳥

鳥啼東南林危巢雛五六心在安巢枝一日千往復脫
網得羣食入口不入腹窮生俾反哺豈能報成育

歐陽修

遊龍門分題十一首

錄四首

上山

躡蹻上高山探險慕幽賞
初驚澗芳早忽望巖扉敞
林窮路已迷但逐樵歌響

下山

行歌翠微裏共下山前路
千峰返照外一鳥投巖去
渡口晚無人繫舸芳洲樹

伊川泛舟

春谿漸生溜演漾迴舟小
沙禽獨避人飛去青林杪

宿廣化寺

橫槎渡深澗披露采香薇
樵歌雜梵響共向松林歸
日落寒山慘浮雲隨客衣

伊川獨遊

東郊漸微綠驅馬忻獨往
梅繁野渡晴泉落春山響
身閒愛物外趣遠諧心賞
歸路逐樵歌落日寒川上

下牢溪

隔谷聞溪聲尋溪渡橫嶺
清流涵白石靜見千峰影
巖

花無時歇翠柏鬱何整安能戀潺湲俯仰弄雲景

憶山示梅聖俞

吾思夷陵山山亂不可究東城一堠餘高下漸岡阜羣
峰迤邐接四顧無前後憶嘗祇吏役鉅細悉經覲是時
秋卉紅嶺谷堆纈繡林枯松鱗皴山老石脊瘦斷徑履
頽崖孤泉聽清溜深行得平川古俗見耕耨澗荒驚磨
奔日出飛雉雠磐石屢歌眠綠巖堪解綬幽尋歎獨往
清興思誰侑其西乃三峽嶮怪愈竒富江如自天傾岼

立兩岨鬪黔巫望西屬越嶺通南奏時時懸樓對雲霧
昏白晝荒煙下牢戍百仞寒溪漱蝦蟇噴水簾甘液勝
飲酎亦嘗到黃牛泊舟聽猿狖巉巉起絕壁蒼翠非刻
鏤陰巖下攢叢岫穴忽空透遙岑聳孤出可愛欣欲就
惟思得君詩古健寫竒秀今來會京師車馬逐塵翳頽
冠各白髮舉酒無菡袖繁華不可慕幽賞亦難遘徒為
憶山吟耳熱助嘲詬

水谷夜行寄子美聖俞

寒雞號荒林山僻月倒挂披衣起視夜攬轡念行邁我
來夏云初素節今已屆高河瀉長空勢落九州外微風
動涼襟曉氣清餘睡緬懷京師友文酒邈高會其間蘇
與梅二子可畏愛篇章富縱橫聲價相磨蓋子美氣猶
雄萬竅號一噫有時肆顛狂醉墨灑滂霈譬若千里馬
已發不可殺盈前盡珠璣一一難簡汰梅翁事清切石齒
漱寒瀨作詩三十年視我猶後輩文詞愈清新心意難
老大譬如妖韶女老自有餘態近詩尤古硬咀嚼苦難

噉初如食橄欖真味久愈在蘇豪以氣轢舉世徒驚駭
梅窮獨我知古貨今乃賣二子雙鳳凰百鳥之嘉瑞雲
煙一翱翔羽翮一摧鍛安得相從遊終日嗾嗾問胡
苦思之對酒把新蟬

暮春有感

幽憂無以銷春日靜愈長薰風入花骨花枝午低昂往
來采花蜂清蜜未滿房春事已爛漫落英漸飄揚蛺蝶
無所為飛飛助其忙啼鳥亦屢變新音巧調篁遊絲最

無事百尺拖晴光
天工施造化萬物感春陽
我獨不知春久病
卧空堂時節去莫挽
浩歌自成傷

遊瑯邪山

南山一尺雪
雪盡山蒼然
澗谷深自煖
梅花應已繁
使君厭騎從
車馬留山前
行歌招野叟
共步青林間
長松得高蔭
盤石堪醉眠
止樂聽山鳥
攜琴寫幽泉
愛之欲忘返
但恐世俗牽
歸時始覺遠
明月高峰巔

秋晚凝翠亭

探韻作

黃葉落空城青山繞官廨風雲淒已高歲月驚何邁
田寒未收野水淺生派晴林紫榴坼霜日紅梨曬蕭疎
喜竹勁寂寞傷蘭敗叢菊如有情幽芳慰孤介嘉客日
可攜寒醅美新醅登臨無厭頻冰雪行即屆

喜雨

大雨雖滂沛隔轍分晴陰小雨散浸淫為潤廣且深浸
淫苟不止利澤何窮已無言雨大小小雨農尤喜宿麥
已登實新禾未抽秧及時一日雨終歲飽豐穰夜響流

霏霖晨暉霽蒼涼川原淨如洗草木自生光
童穉喜瓜芋耕夫望陂塘誰云田家苦此樂殊未央

竹間亭

高亭照初日竹影涼蕭森新篁漸解籜翠色日已深
雨多莓苔綠幽徑無人尋靜趣久思得暫來聊解襟
清風颯然生鳴鳥送好音佳時不易遇濁酒聊自斟
興盡即言返重來期抱琴

橄欖

五行居四時維火盛南訛炎焦陵木氣橄攬得之多酸
苦不相入初爭久方和霜苞入中州萬里來江波幸登
君子席得與衆果羅中州衆果佳珠圓玉光瑳媿茲微
陋質以遠不見訶錫飴兒女甜遺味久則那良藥不甘
口厥功見沉疴忠言初厭之事至悔若何世已無采詩
詩成為君哦

述懷

歲律忽其周陰風慘遼夏孤懷念時節朽質驚哀病憶

始來京師街槐綠方映清霜一以零衆木少堅勁物理
固如此人生寧久盛當時不樹立後世猶譏評顧我實
孤生饑寒談孔孟壯年猶勇為刺口論時政中間蒙選
擢官實居諫諍豈知身愈危惟恐職不稱十年困風波
九死出檻穽再生君父恩知報犬馬性歸來見親識握
手相弔慶丹心皎雖存白髮生已迸慚無羽毛彩來與
鸞皇並鍛翮追羣翔孤淚驚衆聽嚴嚴玉堂署清禁肅
而靜職業愧論思文章慚誥命厚顏難久居歸計無荒

徑偷閒就朋友笑語雜嘲詠歡情雖索寞得酒猶豪橫
羣居固可樂寵祿尤難幸何日早收身江湖一漁艇

折刑部海棠戲贈聖俞二首

摇摇牆頭花笑笑弄顏色荒涼衆草間露此紅的樂草
木本無情及時如自得青春不可恃白日忽已失繞之
重吟哦歸坐成歎息人生浪自苦得酒且開釋不見宛
陵翁作詩頭早白

摇摇牆頭花艷艷爭青娥朝見開尚少暮看繁已多不

惜花開繁所惜時節過昨日枝上紅今日隨流波物理
固如此去來知奈何達人但飲酒壯士徒悲歌

西齋手植菊花過節始開偶書奉呈聖俞

秋風吹浮雲寒雨灑清曉鮮鮮牆下菊顏色一何好好
色豈能常得時仍不早文章損精神何用覩天巧四時
悲代謝萬物惜凋槁豈知寒鑑中兩鬢甚秋草東城彼
詩翁學問同少小風塵世事多日月良會少我有一罇
酒念君思共倒上浮黃金藥送以清歌裊為君發朱顏

可以却君老

清明前一日韓子華以靖節斜川詩見招遊李
園既歸遂苦風雨三日不能出窮坐一室家人
輩倒殘壺得酒數杯泥深道路無人行去市又
遠索於筐筥得枯魚乾蝦數種彊飲疾醉昏然
便寐既覺索然因書所見奉呈聖俞

少年喜追隨老大厭諠譁慙愧二三子邀我行看花花
開豈不好時節亦云嘉因病既不飲衆歡獨成嗟管絃

暫過耳風雨愁還家三日不出門堆厖類寒鴉妻兒強
我飲釘餛果與瓜濁酒傾殘壺枯魚雜乾鰕小婢立我
前赤腳兩髻了軋軋鳴雙絃正如艣嘔啞坐令江湖心
浩蕩思無涯寵祿不知報鬢毛今已華有田清潁間尚
可事桑麻安得一黃犢幅巾駕柴車

夜坐彈琴有感二首呈聖俞

錄一首

吾愛陶靖節有琴常自隨無絃人莫聽此樂有誰知君
子篤自信衆人喜隨時其中苟有得外物竟何為寄謝

伯牙子何須鍾子期

西齋小飲贈別陝州冲卿學士

分符
黃字

今日何不樂衆賓會高堂坐中瀛洲客新佩太守章豈
無芳樽酒笑語共一觴亦有嘉菊叢新苞弄微黃所嗟
時易晚節物已淒涼羣鷺方盛集離鴻獨高翔山川正
搖落行李怯風霜君子樂為政朝廷須儁良歸來紫微
閣遺愛在甘棠

有馬示徐無黨

吾有千里馬毛骨何蕭森疾馳如奔風白日無留陰徐
驅當大道步驟中五音馬雖有四足遲速在吾心六轡
應吾手調和如瑟瑟琴東西與南北高下山與林惟意所
欲適九州可周尋至哉人與馬兩樂不相侵伯樂識其
外徒知價千金王良得其性此術固已深良馬須善馭
吾言可為箴

與子華原父小飲坐中寄同州江十學士休復
歲晚忽不樂相過偶乘閒百年纔幾時一笑得亦艱有

酒醉嘉客無錢買
嬌鬟問予官何為
侍從聯朝班朝廷
多賢材何用蒯與管
白髮垂兩鬢黃金腰
九環奈何章綬榮
飾此木石頑於國
略無補有慙常在
顏幸蒙二三友相
與文字間江子獨
捨我高鴻去難攀
秋風動沙苑郡閣
當南山吟詠日多
暇詔條寬可頒寒
雲雪紛糅幽鳥春
綿蠻勝事日向好
思君何時還

嵩山十二首

錄五首

公路澗

驅馬渡寒流，斷澗橫荒堡。
槎危欲欲歆，岫花落多依。
草擊汰翫游，儵倒影看飛鳥。
留連愛芳杜，漸下四峰照。

二室道

二室對岩堯，羣峰聳嶺直。
雲隨高下起，路轉參差碧。
春晚桂叢深，日下山煙白。
芝英已可茹，悠然想泉石。

自峻極中院步登太極中峰

繫馬松林陰，躡屐蒼崖路。
驚鳥動林花，空山答人語。
雲霞不可攬，直入冥冥霧。

峻極寺

路入石門見蒼蒼深靄間雲生石砌潤木老天風寒客
來依晚照徙倚聽山蟬

中峰

望望不可到行行何屈盤一逕林杪出千巖雲下看煙
嵐半明滅落照在峰端

江上彈琴

江水深無聲江雲夜不明抱琴舟上彈棲鳥林中驚遊

魚為跳躍山風動清冷境寂聽愈真絃舒心已平用茲
有靈器寄此無景情經緯文章合諧和雌雄鳴颯颯驟
風雨隆隆隱雷霆無射變凜冽黃鍾催發生詠歌文王
雅怨刺離騷經二典意澹薄三盤語叮寧琴聲雖可狀
琴意誰可聽

別聖俞

車馬古城隅喧喧分曉色行人念歸途居者徒慘惻薄
宦共羈旅論交喜金石薦以朋酒懽寧知歲月適人事

坐云變出處俄垂隔關山自茲始揮袂舉輕策歲暮寒
雲多野曠陰風積征蹄踐嚴霜別酒臨長陌應念同時
人獨為未歸客

御選宋詩卷十

謹案卷九第一頁前四行劉克莊刊本莊訛壯據
卷首爵里姓名及後村集改

卷十第四頁後六行再命佐永嘉按王禹偁小畜
集佐永嘉作宰嘉興與此異


第十一頁前一行十年侍冕旒刊本侍訛事據小
畜集改

第十三頁前四行溫顏煦槁木刊本煦訛照據和
靖集改

第四十二頁前七行躡屐蒼崖路刊本屐訛屣據

文忠集據





總校官庶吉士臣侍朝

校對官檢討臣蕭九成

謄錄舉人臣李駟

欽定四庫全書薈要

集部

御選宋詩卷十一

二

詳校官原任主事臣李斯咏

欽定四庫全書薈要卷一萬八千三百十八

集部

御選宋詩卷十一

五言古詩二

歐陽修

送唐生

京師英豪域車馬日紛紛唐生萬里客一影隨一身出
無車與馬但踏車馬塵日食不自飽讀書依主人夜夜
客枕夢北風吹孤雲翩然動歸思旦夕來叩門終年少



人識逆旅惟我親來學媿道贖贈歸慚橐貧勉之期不止多獲由力耘指家大嶺北重湖浩無垠飛雁不可到書來安得頻

送慧勤歸餘杭

越俗僭宮室傾貲事雕牆佛屋尤其侈眈眈擬侯王文彩瑩丹漆四壁金焜煌上懸百寶蓋宴坐以方牀胡為棄不居棲身客京坊辛勤營一室有類燕巢梁南方精飲食菌筍鄙羔羊飯以玉粒粳調之甘露漿一饌費千

金百品羅成行晨興未飯僧日昃不敢嘗乃茲隨北客
枯粟充饑腸東南地秀絕山水澄清光餘杭幾萬家日
夕焚清香煙霏四面起雲霧雜芬芳豈如車馬塵鬚髮
染成霜三者孰苦樂子奚勤四方乃云慕仁義奔走不
自遑始知仁義力可以治膏肓有志誠可樂及時宜自
強人情重懷土飛鳥思故鄉夜枕聞北鴈歸心逐南檣
歸兮能來否送子以短章

書懷感事寄梅聖俞

相別始一歲幽憂有百端乃知一世中少樂多悲患每
憶少年日未知人事艱顛狂無所闕落魄去羈牽三月
入洛陽春深花未殘龍門翠鬱鬱伊水清潺潺逢君伊
水畔一見已開顏不暇謁大尹相攜步香山自茲愜所
適便若投山猿幕府足文士相公方好賢希深好風骨
迴出風塵間師魯心磊落高談義與軒子漸口若訥誦
書坐千言彥國能飲酒百盞顏未丹幾道事閔遠風流
如謝安子聰作參軍常誇破虎轅子野乃禿翁戲弄時

脫冠次公才曠竒王霸馳筆端聖俞善吟哦共嘲為閬
仙惟予號達老醉必如張顛洛陽古郡邑萬戶美風煙
荒涼見宮闕表裏壯河山將相日無事上馬若鴻翩出
門盡垂柳信步即名園嫩穉筠粉暗淥池萍錦翻殘花
落酒面飛絮拂歸鞍尋盡水與竹忽去嵩峰巔青蒼緣
萬仞杳靄望三川花草窺澗竇崎嶇尋石泉君吟倚樹
立我醉歌雲眠子聰疑日近謂若手可攀共題三醉石
留在八仙壇水雲心已倦歸坐正盃盤飛瓊始十八妖

妙猶雙環寒篁煖鳳觜銀甲調雁絃自製白雲曲始送
黃金船珠簾捲明月夜氣如春煙燈花弄粉色酒紅生
臉蓮東堂榴花好點綴裙腰鮮插花雲髻上展簾綠陰
前樂事不可極酣歌變為歎詔書走東下丞相忽南遷
送之伊水頭相顧淚潛潛臘月相公去君隨赴春官送
君白馬寺獨入東上門故府誰同在新年獨未還當時
作此語聞者已依然

聞梅二受德興令戲書

君家小謝城為客洛陽裏綠髮方少年青衫喜為吏重
湖亂山綠歸夢寄千里洛浦見秋鴻江南老芳芷自言
北地禽能感南人耳京國本繁華馳逐多英軌爭歌白
雪曲取酒西城市朝逢油壁車暮結青驄尾歲月倏可
忘行樂方未已忽爾畏簡書翻然浩歸思江山故國近
風物饒陽美楚袖煙中黃吳尊波上紫還鄉問井邑上
堂多慶喜離別古所難更畏秋風起

寄左軍巡劉判官

遙聽洛城鐘獨渡伊川水綠樹鬱參差行人去無已因
高望京邑驅馬沿山址落日亂峰多龍門何處是

過張至秘校莊

田家何所樂臺笠日相親桑條起蠶事芎葉候耕辰望
歲占風色寬謠知政仁樵漁逐晚浦雞犬隔前邨泉溜
塍間動山田樹杪分鳥聲梅店雨野色柳橋春有客問
行路呼童驚候門焚魚酌白醴但坐且懽忻

將至淮安馬上早行學謝靈運體六韻

晴霞照東浦驚鳥動煙林曙河蕪斗沒沓嶂隱雲深寒
雞隔樹起曲塢留風吟征夫倦行役秋興感登臨聳
積涂迴江籬香露沈行矣歲華晚歸歎勞歎音

自岐江山行至平陸驛五言二十四韻

岐江望平陸百里千餘嶺蕭條斷煙火莽蒼無人境峰
巒互前後南北失壬丙天秋雲愈高木落歲方冷水涉
愁蟻射林行憂虎猛萬仞懸山崖一約履枯梗緣危類
猿猱陷淖若鼃黽腰輿懼傾撲煩馬倦鞭警攀躋誠畏

途習俗漸蠻獷度隘足雖踈因高目還騁九野畫荆衡
羣山亂巫郢煙嵐互明滅點綴成圖屏時時度深谷往
徃得佳景翠樹鬱如蓋飛泉溜垂綆幽花亂黃紫菁粲
弄光影山鳥嘯成歌寒蛭嘒如哽登臨雖云勞巨細得
周省晨裝趁徒旅夕宿訪問井邨暗水茫茫雞鳴星耿
耿登高近佳節歸思時引領谿菊薦山罇田鴛侑烹鼎
家近夢先歸夜寒食屢整崎嶇念行役昔宿已為永豈
如江上舟棹歌方酌酌

會峰亭

山勢百里見新亭，壓其巔羣峰漸靡迤。高下相聯綿，下
窺疑無地。杳靄但蒼煙，是時新雨餘。衆壑鳴春泉，林籟
靜彌響。山光晚逾鮮，巖花為誰開。春去夏復妍，野鳥窺
我醉。溪雲留我眠，日暮山風來。吹我還醒然，醉醒各任
物。雲鳥徒留連。

六月十四夜飛蓋橋翫月

天形積輕，清水德本虛。靜雲收風波，止始見天水。性澄

光與粹容上下相涵映乃於其兩間皎皎挂寒鏡餘輝所
照耀萬物皆鮮瑩矧夫人之靈豈不醒視聽而我於此
時脩然發孤詠紛昏忻洗滌俯仰恣涵泳人心曠而閒
月色高逾迴惟恐清夜闌時時瞻斗柄

送智蟾上人遊天台

昔年在伊洛林壑每相從對掃竹下榻坐思湖上峰自
言伊洛波每起滄洲憶今茲道行遊千里東南國都門
汴河上柳色入青煙流水向淮浦歸人隨越船東南遍

林巘萬壑新流滿小桂綠應芳江春行已晚藹藹赤城
陰依依識古岑一去誰復見石橋雲霧深

答蘇子美離京見寄

衆竒子美貌堂堂千人英我獨疑其胷浩浩包滄溟滄
溟產龍蜃百怪不可名是以子美辭吐出人輒驚其於
詩最豪奔放何縱橫衆絃排律呂金石次第鳴間以險
絕句非時震雷霆兩耳不及掩百痾為之醒語言既可
駭筆墨尤其精少雖嘗力學老乃若天成濡毫弄點畫

信手不自停端莊雜醜怪羣星見欖槍爛然溢紙幅視
久無定形使我終老學得一已足矜而君兼衆美磊落
猶自輕高冠出人上誰敢揖其膺羣臣列丹陛幾位缺
公卿使之束帶立可以重朝廷况今參國議高論吐崢
嶸惜哉三十五白髮今已生近者去江淮作詩寄離情
口誦不及寫一日傳都城退之序百物其鳴由不平天
方苦君心欲使發其聲嗟我非鷲鷲徒思和嚶嚶因風
幸數寄警言我聾與盲

題滁州醉翁亭

四十未為老醉翁偶題篇醉中遺萬物豈復記吾年但
愛亭下水來從亂峰間聲如自空落瀉向兩簷前仙人
巖下溪幽泉助涓涓響不亂人語其清非管絃豈不美
絲竹絲竹不勝繁所以屢攜酒遠步就潺湲野鳥窺我
醉溪雲留我眠山花徒自笑不解與我言惟有巖風來
吹我還醒然

幽谷晚飲

一徑入蒙密已聞流水聲行穿翠篠盡忽見青山橫山
勢抱幽谷谷泉含石泓旁生嘉樹林上有好鳥鳴鳥語
谷中靜樹涼泉影清露蟬已嘒嘒風溜時泠泠渴心不
待飲醉耳傾還醒嘉我二三友偶同丘壑情環流席高
陰置酒當崢嶸是時新雨餘日落山更明山色已可愛
泉聲難久聽安得白玉琴寫以朱絲繩

西園

落日叩溪門西溪復何所人侵樹裏耕花落田中雨平

野見南山荒臺起寒霧歌舞昔云誰今日但懷古

蘇舜欽

舟中感懷寄館中諸君

時得告之
山陽挈家

扁舟迎春色東下淮楚鄉側身風波地回首英俊場
顧我本俗材百事無一長濫迹入冊府舉動初不皇
乍脫泥滓底稍見日月光峻閣鬱前起隱嶙天中央
春風花竹明曉雨宮殿涼溢目盡圖史接翼皆鸞凰
明窗置刀筆大案羅縑緗文字雖幼學鈍庸今廢忘
不能溫舊習

考古評興亡覲顏于其間汗下如流漿徒然日飽食出
入隨羣行朝廷比多事亦合強激昂况有詔書在爛然
貼北牆奮舌說利害以救民膏肓不然棄硯席挺身赴
邊疆喋血鏖羌戎胸膽森開張彎弓射欃槍躍馬掃大
荒功勲入丹青名迹萬世香是亦丈夫事不為鼠子量
數事皆不能徒只飽腹腸有如鳧雁兒啞啞守稻梁歲
月今逝矣齒搖髮已蒼于時既無益自合早退藏諸君
天下選才業吁異常願當發策慮坐使中國強蠻夷不

敢欺四海無災殃莫効不肖者所向皆荒唐又不耐羞
恥但欲歸滄浪濡毫備歌詠仰首看翱翔舟中稍無事
思念益以詳恨無一稜田可以足糟糠出處皆未決語
默兩不臧莽不知所為大叫欲發狂作詩寄諸君鄙懷
實所望

出京後舟中有作寄文韓二兄弟永叔歐陽九
和叔杜二

久居倦京城歸心日傾寫扁舟理棹楫已與浚流下斷

岼如崩山遠樹若奔馬回頭雲間闕出沒見圖畫還家
快雖暫去國傷以乍况我二三友眷戀數返駕前夕南
巷堤昨日東城舍論精如可收意密不見罅恍惚夢寐
中蕭然已相捨他人所至樂惟我氣類寡迂僻不能鑄
徃徃自嗟罵平生居京都君輩乃知者異鄉孰與言救
謗定不暇柔軟衆所佳佞面誰可借中懷百憂集包釀
似蘊鮪身世若飄浮歲月不可把後期浩難知高吟但

悲灑

維舟野步呈子履

白日出高岡遠野春氣動
倉鳩鳴相懽幽草色已弄繁
舟大河曲登步目一縱逍遙
玩物華所樂與君共已忘
竄逐傷但喜懷抱空古人負
才業未必為世用吾儕性
踈拙擯棄安足痛四顧不見
人高歌免驚衆

金山寺

孤峰湧滄江突兀臺殿積
驚波四面起日夜走霹靂陰
壑瀟風雲陽崖產金碧離披
萬年樹根抱太古石修廊

轉峻閣窈窕壓山脊寶像浮海來珠璣冷光滴叩闌見
鼉鼉揚首意自得偃蹇互出沒日此飽餘食又有翠羽
禽羣飛喜賓客口銜紺帶花近我若相識開軒心曠絕
上下無異色氣象特清壯所覽輒快適予心本高灑誤
為塵土隔不知人間世有此物外迹落日將登舟低徊
空自惜

寄題周源家亭

君家有虛亭跨澗復面山泉聲碎環玦清繞窓戶間潛

鱗俯自釣佳樹坐可攀我思醉其上與子開塵顏微吟
對一枰放此白日閒

梅堯臣

嶺雲

片雨過青天山雲歸絕嶺林際隱微虹溪中落行影還
看隴首飛復愛山間靜

秋日同希深昆仲遊龍門香山晚泛伊川觴詠
久之席上各賦古詩以極一時之娛

落日川上好徘徊弄孤舟鳴榔進山口清唱發渡頭淺
瀨不可泝停橈信中流山樽對蒼翠溪鳥自沈浮濯足
破嵐影采菱臨芳洲千龕晚煙寂雙壁紅樹秋細細石
間泉摇摇波際樓澄潭若瀉鑑萬象已盈眸康樂足清
尚惠連仍此遊摘景固無遺揮筆曾未休醉來同淵明
興盡殊子猷歸傍漁梁靜行看夜火幽露華初滴滴夜
吹何颼颼不犯巖城漏誰言憐近丘

同永叔子聰遊嵩山賦十二題

錄五首

公路澗

我來袁公溪斷岸猶殘壘僵柳遠臨灣新蒲初出水行
行古臺近兩兩驚禽起雞犬何處聞人家深塢裏

自峻極中院步登太室中峰

稅駕綠巖前攀蘿不知倦人從樹杪來路向雲端轉忽
覺在煙霓回看峰嶺變

玉女擣衣石

幽石稱擣衣擣衣人不見雲纓白飄飄巖樹長蔥蒨猶

金定四庫全書
卷十一
應寒夜中山月來鋪練

天門泉

泠泠雲外泉的的巖光入靜若僊鑑開寒疑玉龍蟄時
應下鹿羣跡印青苔濕

登太室中峰

日夕望蒼崖漸漸在天外及來步其巔下見河如帶半
壁雲樹昏山根已霽霈

贈黃庭筠舉進士

橘柚生南國幽林日蔥蒨上有嘉禽鳴五色被餘絢彼
美發華英厥包待秋薦根本當自持無為風土變

河南王尉西齋

官舍古城隅西齋何寂寂種竹幽趣深開屏翠光滴青
山露南牆落日明東壁危臺起其傍平隰坐可覲歲暮
野田空天高霜隼擊更憐風月時幾弄林間笛

遊龍門自潛溪過寶應精舍

遙愛夏景佳行行清興屬安知轉迴溪始覺來平谷古

殿藏竹間香菴遍巖曲雲霞弄霽暉草樹含新綠時鳥
自綿蠻山花競紛縵莫言歸路賒明月還相續

遊水簾巖

春山時獨往榛穢旋芟斲飛泉蔽幽巖杳藹疏朝旭
光垂白龍髯鳴漱寒潭玉半壁生畫寒陰草潤秋綠穿藤
出溪口流沫縈山足莫遣吏人來方歌白雲曲

過小石潭

樹老石連潭潭深煙翠入羣魚石下游獨鳥潭上立泉

暖草長綠山高風自急徘徊興不窮苔屐雲霑濕

雪夜留梁推官飲

晝雪落旋消夜雪寒易積燈清古屋深爐凍殘煙碧為
沽一斗酒暫對千里客酒薄意不淺輕今須重昔重昔
是年華飄飄猶過隙一醉冒風歸平明馬無跡

夜賦

月從東殿生叢竹照脩竦葉間清露滴枝上寒禽動閒
覺萬慮空靜聞嚴鼓重官燭剪更明相看應似夢

寄題蘇子美滄浪亭

聞買滄浪水遂作滄浪人置亭滄浪上日與滄浪親宜曰滄
浪叟老向滄浪濱滄浪何處是洞庭相與隣竹樹種已合魚
蟹時可緡春羹茱白菘夏鼎烹紫萸黃柑摘霜晚香稻炊玉
新行吟招隱詩懶帶醉中巾憂患兩都忘還往誰與頻昨
得滁陽詩語彼事頗真曩子初去國我勉勿迷津四方不可
之中土百物淳今子居所樂豈不遠埃塵被髮異秦伯結
客非春申莫與吳俗尚吳俗多文身蛟龍刺兩股未變此

遺民讀書本為道不計賤與貧當須化閭里庶使禮義臻
答建州沈屯田寄新茶

春芽研白膏夜火焙紫餅價與黃金齊色開青筠整碾
為玉色塵遠汲蘆底井一啜同醉翁思君聊引領

送胥裴二子迴馬上作

陰陰雪雲低遊子去將懶豈惟遊子倦疲馬行亦欸送
罷我獨還迴看鴈為伴念子日暮時寂寞閉竹館

寄光化退居李晉卿

久無歸田人今喜子去祿移家漢水濱日見漢水綠川
鱗可為饗山毛可為菽竟歲厭往還行堤樂風俗青巾
舩上郎漆鬢顏如玉倚牆臨落照獨唱江南曲聽若在
江南歡然自為足我心雖有羨未遂平生欲更期畢婚
嫁方可事巖麓買山須買泉種樹須種竹泉以濯吾纓
竹以慕賢躅此志應不忘他時同隱錄

送謝師厚歸南陽

竹館蔭以風灑水坐猶熱念子遠歸時焦煙起車轍落

日原上微烏棲人欲別我心明月在相照異盈缺

寄題滁州豐樂亭

泠泠幽谷泉近在青峰下使君去窮源林外留車馬一
徑穿篠深蔽日復瀟灑行盡逢泓澄翠影如可瀉雲樹
蔭其旁造物將有假引水開石池結宇覆碧瓦乃知愛
玩心朝夕未忍捨近移溪上石怪古蒼蘚惹芍藥廣陵
來山卉雜天冶春禽時相鳴賓從不應寡欲問淮南趣
還思洛陽社勝事已不辜吟觴無倦把

早發

吳雞鳴隔山江月半在水齧齧出岸潮
雲雲入蒲葦解纜泛明鏡接天知幾里
我家今不遙正住句溪尾

別後寄永叔

前日辭親淚又為別友出愁極反無言
欲言詞已窒荷公知我詩數數形美述
茲道日未堙可與古為匹孟盧張賈
流其言不相昵或多窮苦語或特事豪
逸而於韓公門取之不一律乃欲存此
心欲使名譽溢竊比於老郊深愧言

過實然於世道中固且異謗嫉交情有若此始可論膠漆
送蕭秘校

比從江南來又從江南去孤舟隨鴈羣晚泊定何處霜
橙可為齏冰鱠思下筋此興吾不如薄言聊所慕

看山寄宋中道

前山不礙遠斷處吐尖碧研青點無光淡墨近有迹前
林橫白雲復與後嶺隔孤舟川上人引望不知夕安得
老畫師寫寄幽懷客

發勻陵

秋雨密無迹濛濛在一川
孤邨望漸遠去鳥飛已先向
晚雲漏日微光人倚船
安知偶自適落岸逢沙泉

和端式上人十詠

錄一首

漁舟火

蘆洲一點明知有漁人
泊江冥杳不分誰
方在高閣是時孤鴈去
應認光中落

發昭亭

春泥深一尺車馬重重跡親舊各還城山川空向夕今朝水
平岸不畏舟礙磧始隨湍漲發已入青蒼壁落日未逢人孤
邨望來客泱泱漫田流青青被瓏麥欲霽鳩亂鳴將耕杏
先白我無農畝勲千里事行役寄謝昭亭神果不吝深澤
送張諷寺丞赴青州幕

朝廷久清明賢相出賢牧賢牧又選賢森森備官屬是
以邦政修良農播嘉穀上無租賦逋下有困廩蓄往者
河朔饑奔送劇鳧鶩富公鎮青社有來咸鞠育病者調

藥劑起者飼饘粥老稚四十萬瘦骨生壯肉鄉縣將遣

歸田園皆可復為之置長犁為之置黃犢既完身上衣

又付橐中粟庭下再拜辭望城皆感哭他人守一方境

內猶不足至今趙魏間食飲常酌祝富公離山東寇盜

頗狂觸堂堂高平公德業人所伏幕府得才謀螻蟻不

勞撲上體憂勤心掃滅得神速張侯三十餘瑩若無玷

玉八字分濃眉純漆點雙目昨日奉辟書氣貌寧近俗

言從必磊落事果無屈縮他時為書功誰惜千毫禿

徐元與見邀與諸君同遊至峰山溪上作

春霽重行行行在墟里攄懷厭樓觀寓興欣山水斷
僻翠連雲寒流清見底主人開綠樽下馬臨芳芷澄溜
瀉灣濬跳波生石齒園林始弄萼臯壠時鳴雉談詭忘
機心笑言驚俗耳曠哉茲日遊何羨稽山美

送允從上人還廬山

山高雲在下諸窟藏半空千重萬重翠正望落日中不
知野僧歸石徑寒易通松間無人掃隕葉如斷髮獨行

逢暮寒衣裂溪上風

五月十日雨中飲

梅天下梅雨綏綏如亂絲梅生獨抱愁四顧無與期
妻孥解我意草草陳酒卮檻外百竿竹新筍高過之竹色
入我酒變作青琉璃一飲目光再飲言語遲三飲頽
然兀左右歎我衰有鳥從東來引頭闖深枝發聲醒我
醉提壺美無疑典衣不值錢唯是布與絺安得如古人
車傍挂鷓鴣

讀邵不疑學士詩卷杜挺之忽來因出示之具
伏高致輒書一時之語以奉呈

作詩無古今惟造平淡難譬身有兩目瞭然瞻視端邵
南有遺風源流應未殫所得六十章大小珠落槃光彩
若明月射我枕席寒含香視草郎下馬一借觀既觀生
長嘆復想李杜韓願執戈與戟生死事將壇

送裴如晦宰吳江

吳江田有粳粳香春作雪吳江下有鱸鱸肥膾堪切炊

粳調橙蠶飽食不為餐月從洞庭來映映寒湖凸長橋
坐虹背衣濕霜未結四顧無纖雲魚跳明鏡裂誰能與
子同去若秋鷹掣

蔡襄

陪諸君會史館園

名園霽宿雨春日正和柔花香泛草際竹影搖清流鳴
禽自往還游魚時沈浮出門市朝喧愛此林亭幽况陪
君子讌飛傘更相酬亦有佳人攜艷歌青眉愁佳人足

娛適遠思何夷猶故鄉去千里野堂臨溪頭夢寐別四
載南望無時休王粲昔從軍登樓以銷憂今予豈不然
每到終遲留

楊叔武北堂夜話

歲晏物景薄層陰向晚饒輕雲隱微月殘雪棲枯條夫
君有高適顧我慰寂寥瀟灑開北堂拂榻延良宵前几
陳古書坐見千載遙間亦發新句幽思含九韶神明靜
外照念慮醉中消揚雄戒丹轂顏子安一瓢良玉不火

變翠栢寧霜凋此心固獨往聲利詎得招
鑪火寒更劃
燈池落仍挑相看數漏板後會戒重要

題將軍巖

赤日正亭午解衣巖石下石泉殊甘涼
野籟亦瀟灑
猿度嶺雲遺果墜庭瓦披軒忽求歎幽抱不可寫

訪天台菴

幽人去未還門戶和雲閉亭午樹陰圓
深冬泉響細寒
生羣鳥鳴清徹孤鶴唳寂寞傍山歸
寫向滄溟際

劉敞

曉至池上

宿雨墜高葉薄雲麗朝陽園林澹澹秋庭戶蕭蕭涼水
淺魚呖鬱荷深鷺低昂幽懷欣自得佳賞契所望忽恐
羣動作深林沸蜩蟬

金山東崖北望海門

憑高仍一望北固何崔嵬地形東吳越江險通邛崃英
雄既已矣壯觀空在哉寂寥寒潮上孤帆當檻來

過聖俞讀其近文明日寄之

昨日過君家雙瞳偶清刮非無俗塵累喜見秋陰豁佳
瑟譜新聲瑤音邈超越神驚自跼束不為天寒發

細雨

小雨滿前軒濃陰不時卷隨風氣潛潤竟日花微泣池
光慘澹昏樓色依微辨寒添夕景長坐逼秋容晚楚客
歌沈寥吟懷孰云淺

桐軒晚坐

孤軒繞危桐颯颯聞鬧雨驚起瞰前途飛花亂如舞輕
香密侵席晚景寒當戶玉粉散游蜂珠華濺高宇紛紛
綠苔上半已隨泥土邈彼丹穴鳥何年翥文羽芳時不
可驟歲晏聊容與

睡起

日午吏稍休池上逍遙眠水木澹相映庭戶清無喧時
有山中禽來鳴高樹巔微風拂衽過會意成翛然有生
滯形役萬物安靜便愧無淮陽績高卧亦終年

全唐詩卷十一
卷十一
早至涼榭觀芙蓉

林深池亦淺，日出晚光及。粲粲花尚含，溥溥雲猶浥。良魚潛復躍，幽鳥翔又集。物情況如慕，心賞浩難戢。誰能贈遠人，采采空佇立。

同諸客飲涪州薛使君佚老亭

百尺井底泉，激輪作飛流。潺湲入庭戶，宛轉如奔虬。主人三署郎，持節西南州。棄之卧故里，富貴安足留。却掃長閉門，羸餘非所求。客來坐林下，樽酒相獻酬。未嘗語

朝市餘事良悠悠乃知獨徃意不必山林幽衣冠多雋
才繼踵公與侯誰能懸其車五十未白頭嗟嗟賢大夫
此風可鎮浮為問三輔間何如馬少游

曲水臺竹間默坐

杖履不能遠逍遙池上林微風起衆響炎日隔繁陰斐
亶激流泉間闕語鳴禽放懷在高人寄賞欣會心既謝
朝市喧亦忘山谷深雖知非吾室猶以開煩襟

劉放

擬古

老萊隱窮楚因與時世隔暮歸怪車轍夜起辟山澤若
人不可見况肯低顏色安知叢臺下一旦三千客西遷
竟不還嗟哉莫良畫

江休復

秋懷

西風萬里至曠然天地秋暮雨生夕涼百蟲鳴啾啾楚
山曉蒼蒼楚水亦悠悠騷人試登臨感物增離憂所思

在遐方欲往路阻修
香草有蕙蒞嘉樹有梧楸
白露萎芳馨凋零使我愁
窮年倦羈窘江湖思舊遊
幼蘭製芰荷飄泛一葉舟
肆情雲水間意適何所求

同持國宿太學官舍

翳翳雲月薄泠泠雪風清
學省夜岑寂天街斷人行
廣庭層閣陰尋廊步餘明
松篠遙響如聞絃誦聲悠悠
子佩詩講坐塵埃生迴就直舍休
亶亶談道精心會境物融泯然遺世營
寒眠屢展轉寤言寫素誠

牟駝岡閱馬

牧馬散近坳閱視乘高秋駝岡似沙苑堆阜帶川洲坡
陀故梁城縈薄西南陬連棚映林樾星羅倚層丘回風
吹陣雲奔騰歛來游野性脫羈馵飲齧遂所求腹幹頗
肥張鬱怒何彪休羣毆驟麋鹿逸勢凌蛟虬軍戎選輕
捷和鸞御調柔毛物有千名衆美歸驂騶梁王愁思臺
佛刹居上頭竭來一憑眺遺墟莽悠悠信陵骨已朽巖
穴誰見收當時英豪輩事逐東波流置酒臨風軒聊以

紆煩憂

黃庶

探春

春色若有價黃金量山丘幾擬把酒吟浪欲開口酬今
朝庭柳枝拗折絲已柔東風弄五色漸落草木稠我營
賞春資甕盎蟻已浮山川天開畫祇擬酌酌遊

登扶風王宗元山亭

雲收南山頭太白青崔嵬我有泉石夢坐對懷抱開小

池數斛水沙鳥來毳毼遺翎與行跡縱橫在蒼苔憶得
釣磯上到家如一迴蔬畦參差綠採掇助酒杯痛飲不
能去遠行猶徘徊主人林巖僻笑傲蒼煙堆心憂百里
病良田正黃埃欲知主人喜雨抱山脚來

時久旱始得
雨以為喜故

云

宿趙屯

蘆花一股水弭楫日已暮山間聞雞犬無人見煙樹行
逐羊豕跡始識入市路菱芡與魚鱗居人足來去漁家

無鄉縣滿船載稚乳鞭笞公私急醉眠聽秋雨

過建成侯廟

陽翟

鳴鷗古木末饑鳥啄腐柯下有黃侯宮清風在藤蘿公
昔為刺史俗若閨門和德銘賴人心千載不可磨至今
奉如生慢侮莫敢過破祠望道路丹簷獨莪莪春秋賽
豚肩里巫日婆娑牛童不知此來往夕陽歌

次韻和子儀聞蟬

落日挂樹間長我庭下陰園林動秋意高蟬忽微吟清

風轉餘聲杳若下遠岑微物感時節鏗錡吐商金古樂
久破碎茲蟲抱全音恍惚尚偃蹇激起壯士心願為秋
蟬操被之朱絃琴

張瓌

寄題徑山懷郎簡侍郎

天地一洲渚北平南歆卮幽并深以厚江浙清且竒武
林頗英秀川滙仍山卑應接殫天巧類非人力為徑山
最佳處有巖稱玉芝居防俗士駕地乃賢人宜郎公留

名德平時為羽儀引年歸故里不復衣朝衣留侯黃石
心白傅香山期結宇名勝外日與塵事違伊予來東藩
濫持使者麾平生愛山水弗憚命駕之當候秋風高遠
造巖下扉澣濯纓上塵散步松間棊未能繼高躅聊用
慰所思

蘇洵

憶山送人

少年喜竒迹落拓鞍馬間縱目視天下愛此宇宙寬山

川看不厭浩然遂忘還岷峨最先見晴光厭西川遠望
未及上但愛青若鬟大雪冬沒脛夏秋多虵蛇乘春乃
敢去匍匐攀孱顏有路不容足左右號鹿猿陰崕雪如
石迫暖成高瀾經日到絕頂目眩手足顛自恐不得下
撫膺忽長歎坐定聊四顧風色非人寰仰面躡雲霞垂
手撫百山臨風弄襟袖飄若風中仙竭來遊荆渚談笑
登峽船峽山無平岡峽水多悍湍長風送輕帆瞥過難
詳觀其間最可愛巫廟十數巔聳聳青玉榦折首不見

端其餘亦詭怪土老崖石頑長江渾渾流觸齧不可攔
苟非峽山壯浩浩無隅邊恐是造物意特使險且堅江
山兩相值後世無水患水行月餘日泊舟事征鞍爛熳
走塵土耳聳目眇昏中路逢漢水亂流愛清淵道途塵
土容洗濯無瑕痕振鞭入京師累歲不得官悠悠故鄉
念中夜成慘然五噫不復留馳車走轅轅自是識嵩岳
蕩蕩容貌尊不入衆山列體如鎮中原幾日至華下秀
色碧照天上下數十里映曉青巒巒迤邐見終南岼口

蟠長安一月看山岳懷抱斗以騫漸漸大道盡倚山棧
夤緣下瞰不測溪石齒交戈鋌虛閣怖馬足險嵯摩吾
肩左山右絕澗中如一繩慳傲晚駐鞍轡不忍驅以鞭
累累斬絕峰兀不相屬聯背出或逾峻遠駕如爭先或
時度岡嶺下馬步險艱怪事看愈好勤劬變清歡行行
上劔閣勉強踵不前矯首望故園漫漫但青煙及下鹿
頭坂始見平沙田歸來顧妻子壯抱難留連遂使十餘
載此路常周旋又聞吳越中山明水澄鮮百金買駿馬

徃意不自存投身入廬岳首挹瀑布源飛下三千尺強
烈不可干餘潤散為雨變作山中寒次入二林寺遂獲
高僧言問以絕勝境導我同躋攀逾月不倦厭巖谷行
欲殫下山復南邁不知已南虔五嶺望可見欲徃若不
難便擬去登翫因得窺羣蠻此意竟不償歸抱愁煎煎
到家不再出一頓俄十年昨聞廬山郡太守雷君賢徃
求與識面復見山鬱蟠絕壁橫三方有類大破鑲包裹
五六州倚以為長垣大抵蜀山峭嶢刻氣不溫不類嵩

華輩氣象多濃繁吳君潁川秀六載為蜀官簿書苦為
累天鶴囚籠樊岷山青城縣峨眉亦南捷黎雅又可到
不見宜悒然有如烹脂牛過眼不得餐始謂泛峽去此
約今又愆只有東北山依然送歸軒他山已不見此可
著意看

藤樽

枯藤生幽谷蹙縮似無才不意猶為累剗中作酒杯君
知我好異贈我酌村醅哀意方多感為君當數開藤樽

結如螺蚌酒綠如水開樽自獻酬
竟日成野醉青莎可為席白石可為几
何當酌清泉永以思君子

淨因大覺禪師以閭立本畫水官見遺報之以
詩

水官騎蒼龍龍行欲上天手攀時且住
浩若乘風船不知幾何長足尾猶在淵
下有二從臣左右乘魚鼉矍鑠相顧視
風舉衣袂翻女子侍君側白髮垂雙鬢
手執雉尾扇容如未開蓮從者八九人
非鬼非戎蠻出水未成

列先登揚旗擅長刀擁旁牌白羽注長卷雖服甲與裳
狀貌猶鯨鱸水獸不得從仰面以手扳空虛走雷霆雨
電晦九川風師黑虎囊面目昏塵煙翌從三神人萬里
朝天闕我從大覺師得此詭怪編畫者古閭子于今三
百年見者誰不愛予者誠以難在我猶在子此理寧非
禪報之以好詞何必畫在前

詠菊

騷人足以思香草比君子况此霜下傑清芬絕蘭蕙氣

稟金行秀德滿黃中美古來鶴髮翁餐英飲其水但恐
蓬藿傷課童加料理

曾鞏

七月一日休假作

初秋尚苦暑歸沐乃君恩地閒少來客日晏猶閉門家
乏念藜藿開顏無一樽况復辭貌拙敢隨車馬奔盥濯
何所事讀書坐前軒豈堪當世用空味古人言頗喜市
朝內獨無塵土喧終年但如此真竊大官餐

瞿秘校新授官還南豐

柳色映馳道水聲通御溝
雖喜芳物盛未同故人游
叩門忽去我躍馬振輕裘
佩印自茲始過家當少留
中園何時到薇蕨亦已柔
山翠入幽屐渚香浮迴舟
阡陌有還往壺觴時獻酬
應笑天祿閣寂寥誰見求

漢陽泊舟

暫泊漢陽岫不登黃鶴樓
江含岷岷氣萬里正東流
驚風孤雁起蔽日寒雲浮
祇役雖遠道放懷成薄游
興隨

滄洲發事等漁樵幽煙波一樽酒盡室載扁舟

李節推亭子

盱江郭東門江水湛虛碧東南望羣峰連延倚天壁長
林相蔽虧蒼翠浮日夕青冥窗戶寒居者非咫尺子初
得從誰有此煙霧宅燕坐遠世喧及門無塵客築亭更
求深緩帶聊自適時花笑婀娜山鳥吟格磔家釀熟新
樽歡言命良席故已輕華簪寧論珍拱壁我亦有畱田
相望在阡陌安得巾柴車過從竹三益

招隱寺

一徑入松下兩峰橫
馬前攀緣綠蘿磴
飛走蒼崖巔昔人此嘉遯
手弄朱絲絃想當林間月
獨寫山中泉此樂非外得
肯受世網牽我亦本蕭散
至此更怡然偏憐最幽處
流水鳴澌澌

李靚

戈陽縣學北堂見夾竹桃花有感而書

暖碧覆晴殷依依近朱欄
異類偶相合勁節何能安同

時盡妖艷無地容檀藥移根既不可潔心誠為難外貌
任春色中心期歲寒正聲尚可聽誰是伶倫官

周惇頤

題濂溪書屋

元子溪曰讓詩傳到于今此俗良易化不欺顧相欽廬
山我所愛買田山之陰田間有清水清泚出山心山心
無塵土白石照沈沈潺湲來數里到此始澄深書堂構
其上隱几看岑雲倚梧或欹枕風月盈中襟有時吟復

默酒罷鳴幽琴數十黃卷軸賢聖談無音窗前即疇圃
圃外桑麻林芋蔬可卒歲絹布足衣食吾樂蓋易足名
瀟以自箴誰為相朝暮岼木寒蕭森

書窗夜雨

秋風拂盡熱半夜雨淋漓繞屋樹芭蕉一枕高響園恰
似釣磯畔蓬窗睡覺時

邵雍

女几祠

西南有高山山在杳冥間神仙不可見滿目空雲煙千
年女兒祠門臨洛水邊但聞霓裳曲世人猶或傳

燕堂暑飲

燕堂通高明簷依斷崖嶽涼風來松梢清泉飛竹陰佳
果間紅綠旨酒隨淺深却思闌闌間鬱蒸不可任

秋懷

清湍文鴛鴦寒潭繡瀾鵝長天浮如水不廢秋江碧男
子一寸心壯士萬夫敵菡萏香風中扁舟會相憶

司馬光

清明後三日同鄰幾景仁次道中道興宗元明
秉國如晦公疎飲趙道士東軒以日暮天無雲
春風扇微和為韻得和字

寂寥清明後餘春已無多間軒富佳致不惜載酒過水
木晚尤秀風煙晴更和臨樽不盡醉奈此芳菲何

次韻和吳冲卿秋意

槐花滿庭除籍籍不可掃稍疎邵平瓜漸熟王陽棗失

時團扇棄新進袷衣好日暮益愁思寒蟬起幽草忽聞
秋興篇歎賞幾絕倒

端居倦煩暑園圃久不窺雨餘秋氣新紅葉生紫梨形
骸得蕭散不知環堵卑何能效流俗把酒須菊枝登高
已可醉四野青雲垂

獨樂園七詠

讀書堂

吾愛董仲舒窮經守幽獨所居雖有園三年不遊目邪

說遠去耳聖言飽充腹發策登漢庭百家始消伏

釣魚菴

吾愛嚴子陵羊裘釣石瀨萬乘雖故人訪求失所在三
旌豈非貴不足易其介奈何夸毗子斗祿窮百態

采藥圃

吾愛韓伯休采藥賣都市有心安可欺所以價不二如
何彼女子已復知姓氏驚逃入窮山深畏名為累

見山臺

吾愛陶淵明拂衣遂長往首辭晉主命犧牛憚金鞅愛
君心豈忘居山神可養輕舉向千齡高風猶尚想

弄水軒

吾愛杜牧之氣調本高逸結亭侵水際揮弄消永日洗
研可抄詩泛觴宜促膝莫取濯冠纓紅塵汙清質

種竹齋

吾愛王子猷借宅亦種竹一日不可無瀟灑常在目雪
霜徒自白柯葉不改綠殊勝石季倫珊瑚滿金谷

澆花亭

吾愛白樂天退身家履道釀酒酒初熟澆花花正好作
詩邀賓朋欄邊長醉倒至今傳畫圖風流稱九老

漁家火

漁翁繫葉舟遠映楓林宿手攜雙白魚呼兒爨山竹深
夜寂無人明滅寒山曲

和梅聖俞詠昌言五物

錄二首

括蒼石屏

主人小石屏得之括蒼山括蒼道里長致此良亦難
層崖萬仞餘騰出浮雲端吳兒采石時蘿蔓愁攀緣石
文狀松雪毫髮皆天然置之坐席傍清風常在顏願君
善藏畜永日供餘閒慎勿視要人坐致求者繁將使括
蒼民吁嗟山谷間

白鷗圖

白鷗日邊來一息萬里遙橫飛碧海晴六翮寒蕭蕭輕
如朔雪花迴與長風飄傾身疊紺爪吟嘯何哮噉瞥來

疾驚電歛起先扶搖遂令狐與狸不敢矜凶妖尉羅不
可取滅影還雲霄世人莫得見粉繪圖輕綃凜然堂牖
間霜氣自春朝風雨夜如墨古木無鳴梟

和利州鮮于轉運公居八詠

錄一首

桐軒

朝陽升東隅照此庭下桐
峩峩復萋萋居然古人風
疎柯青玉聳密葉翠羽蒙
午景凝餘清夕照留殘紅
雨響薨棟外風生戶牖中
主人正多暇步賞常從容
終當致

威鳳覽德鳴嗷嗷又將施五絃解慍歌帝宮

八月十五日夜寄友人

故人音信絕對月動相思清露滴紅葉此懷當告誰秋
風廣陵郭正是望濤時

范鎮

武侯廟柏

滿葉是清霜培根無沃土恥作秦皇松寧為馮異樹英
靈自有風陰蔚長如雨可憐青青姿不如人事古

御選宋詩卷十一